



EQQARTUUSSISOOQATAASARTUT

Eqqartuussisooqataasartunut ilitsersuut





TIKILLUARIT

Eqqartuussisooqataasartutut allanut eqqartuusseqataasassaatit. Suliaq annertuumik akisussaaffiliuvoq ilaanneeriarluni artornartoq.

Eqqartuussisut kisimiillutik pinerluttulerinermi suliani eqqartuussineq ajorput. Inatsisit tunngaviusut najoqqutaralugit innuttaasut eqqartuussisooqataasussaapput.

Inatsisiorneqarnikuovoq, pinerluttulerinermi suliani eqqartuussisooqataasartut peqataasassasut, unnerluussisup kiffaanngissusiaanissaq imaluunniit allatut assingusumik akuliuffigineqarnissamik pineqaatissiisoqarnissaanik piumasaqaatigissappagu. Eqqartuussisooqataasartut eqqartuussisutulli pissaaneqartigipput, unnerluutigineqartup eqqartuunneqarnissaa qanorlu pineqaatissineqarnissaa eqqarsaatigalugu.

Eqqartuussisooqataasartoq piffissami ukiuni sisamanut toqqarneqartarpooq, agguaqatigiisillugulu ukiumut eqqartuussinerni sisamani peqataasarluni. Eqqartuussisooqataasussatut toqqarneqaruit aallaavittut suliassannut piumanngissinnaanngilatit. Innuttaasutut naammassisassaavoq.

Kalaallit Nunaanni eqqartuussisarnermi oqaatsit tassaapput kalaallit danskillu oqaasi. Imaappoq, inimi eqqartuussiviusumi oqaatigineqartut tamarmik uppermarsaasiissutillu tamarmik suliamut ilasut, pisariaqartinneqarpat oqaatsit taakku atorlugit paasineqarsinnaasussaapput.

Eqqartuussinerni oqalutsit peqataasarpoo, taamaalilluni kalaallit danskillu oqaasiisa akornanni eqqartuussinerup nalaani oqaluttaasoqartarluni.

Najukkanni eqqartuussisoqarfik attaveqarfigisinnaajuaannarpoo uani akineqanngitsunik apeqqutissaqaruit.

Inussiarnersumik inuullaqqusilluta

Kalaallit Nunaanni Eqqartuussivik eqqartuussisoqarfiillu



Uliguat

Nunatsinni eqqartuussivinni suliarinneqqaarfinni
eqqartuussisut 1. januar 2020-imili
pinerluttulerinermi suliani saqitsaannermilu
suliani pingarnertut isumaqatigiinniarerni
uliguaqartalerput.

Nunatsinni eqqartuussivinni
suliarinneqqaarfiusuni uliguat immikkut
sanatitaapput.

Imarisai

TIKILLUARIT	3
EQQARTUSSISOOQATAASARTUT ATUUFFII AKISUSSAAFFIILU	6
Innutaaasutut naammassisassaq.....	6
Qanippallaarneq	6
Atisat pissusilersuutilu.....	8
Killiligaanani oqaaseqarsinnaaneq nipangiussisussaassuserlu	8
Eqqartuussiviit illutaanni isumannaassuseq	9
.....	9
Ima eqqartuussisooqataasartut aggersarneqartarput	10
Agginngitsoorneq.....	10
Eqqartuussisooqataasartunik akiliisarneq.....	10
EQQARTUSSISOOQATAASARTUNIK PEQATEQARLUNI SULIAT.....	11
Pinerluttulerinermi suliat suut eqqartuussisooqataasartunik peqateqarluni suliaappat?.....	11
Eqqartuussisooqataasartunik peqateqarluni suliat ima ingerlasarput.....	11
Eqqartuussisooqataasartunik peqateqarluni suliat ima aalajangiivigineqartarput	14
Eqqartuussisooqataasartoorusuppit?	16
Eqqartusseqataasartunngornissamut piumasaqaatit	16
Kalaallit Nunaat eqqartuussisoqarfinnut sisamanut aggorsimavoq.....	16
.....	17
Nunatsinni Eqqartuussiviit	19
Qinnuteqarit.....	20

EQQARTUSSISOOQATAASARTUT ATUUFFII AKISUSSAAFFIILU

Kalaallit Nunaanni pinerluttulerinermi suliani eqqartuussinerni nalinginnaasumik innuttaasut 350-it missaanniittut eqqartuussisooqataasartutut peqataasarput.

Eqqartuussisooqataasartutut immikkut inatsisilerinermut pisinnaasaqartariaqanngilatit. Akerlianik isumaavoq, eqqartuussivimmi ilinnut saqqummiunneqartunut ilumoorlutit isornartorsiuillutillu pil-lutit suliamik aalajangeeqataanissat. Suliap pappiarartai atorneqartullu allat eqqartuussivimmi aatsaat takussavatit, tamaalillutillu suliami peqataanissat sioqqullugu piareersassanak.

Innuttaasutut naammassisassaq

Eqqartuussisooqataasartutut suliassaq innuttaasutut naammassisassamik taasat ilagaat, aallaavit-tullu eqqartuussisooqataasartuunissannut naaggaarsinnaanngilatit. Taamaattumik eqqartuussi-sooqataassatillutit suliffimmit allamit sulinngissinnaatitaanissat pisinnaatitaaffigivat – sulisitsisuillu piumaffigeqquaanngilaatit ullaferiarfissatit tassunga atoqqullugit. Naatsorsuutigisariaqarpat, ul-loq taanna eqqartuussisooqataaffigisanni, suliffigisanniit aningaasarsiaqannginnissat, kisianni eq-qartuussisooqataasutut Kalaallit Nunaanni Eqqartuussivimmiit imaluunniit eqqartuussisoqarfim-miit eqqartuussisooqataasuuffinniit ajunngitsorsiassaqarumaarputit. Tamanna ersarinnerusumik ataani eqqaaneqassaaq.

Pisuni immikkut ittuni eqqartuussisooqataanissannut tunuarniuteqarsinnaavutit. Tamanna atuup-poq ass. inunnut atorfimminnit eqqartuussisooqataanissaminnut ajornakusoortitsisunut. Tamanna aamma atuuppoq, 70-inik ukioqalersimaguit, imaluunniit peqqissutsit, ilaqtuttatit inuussutissarsior-nermiluunniit atukkatit pillugit eqqartuussisooqataasartutut suliassat naammassisinnaanngikkuk-ku. Eqqartuussisoqarfimmi eqqartuussisooqataasartussatut toqqagaaffinniit nuukkuit, pisussajun-naartinneqarnissat qinnutigisinnaavat.

Pisussajunnaarsinneqarusukkuit, qinnuteqaat eqqartuussisoqarfimmuit ilinnik toqqaanikumut nassiutissavat.

Qanippallaarneq

Eqqartuussisooqataaguit inuttut suliamut akuliusimanalluunniit - sunnerneqartussaanngilatit. Ass. suliaq ilinnit tillittoqarsimaneranut, imaluunniit illit aappavilluunniit unnerluutigineqartoq, ilisi-mannittooq, unnerluussisoq, illersuisoq imaluunniit inuit allat suliamut akuusut ilaqtarigukku/ppa-gu, qanippallaarputit suliamilu peqataasinnaanak. Pisussavutit pissutsit taamaattut piaarnerpa-mik eqqartuussisumut oqaatigissallugit.

Unnerluutigineqartoq eqqartuussissuserisualuunniit isumaqarunik, eqqartuussisooqataasartoq illersugaqarnatik eqqartusseqataasinnaanngitsut eqqartuussisunut piumasaqarsinnaapput

eqqartuussisooqataasartumik allamik aggersaasoqarnissaanik. Tamanna ass. peqquteqarsinnaa-voq, unnerluutigineqartoq eqqartuussisooqataasartorlu siusinnerusukkut aningaasat pillugit apeq-qummik aaqqiagiinngissuteqarsimannerannik. Eqqartuussisup aalajangissavaa ingerlaqqissanersutit, imaluunniit eqqartuussisooqataasartumik allamik aggersaasoqassanersoq.

Suliami peqataanissat sioqqullugu pineratalu nalaani sianigissavat, qanippallaarnerlutit taamaalil-lutillu suliami peqataasinnaanak, ass. unnerluutigineqartoq ilisarisimasarigukku. Pingaarnertut isumaqatiginninniarnissaq sioqqullugu qanippallaarnermut apeqput eqqartuussisumut oqaloqatigin-nissutigineqassaaq. Sumilluunniit nalorninartoqarpat apeqput eqqartuussisunut apeqputigisinnaa-vat.

Aammattaaq avataani pisunit sunnerneqaqqusaanngilatit, ass. suliap tusagassiutitigut eqqaaneqarneranit imaluunniit ilaqtuttavit kammalaativilluunniit akornanni.



INUIAQATIGIINNIK SULLISSINEQ

Eqqartuussisooqataaneq inuiaqatigiinnik
sullissineruvoq, ilinnut pisortanit
pisussaaffinngortitaasoq. Tassa imaappoq,
pisussaavutit suliassaq tigussallugu.

Atisat pissusilersuutillu

Eqqartuussisooqataasutut peqqillutillu qasuersaarluarsimallutit takkuttariaqarputit. Ima atisaler-sorsimasariaqarputit, suliamut malinnaanissaq illit inuttannit allamut saasaataasinnaatinngu. Ass. akimut ersittunik atorlutit takkuteequsaanngilatit, teqqialimmik nasaqarlutit imaluunniit aloqu-taannaqarlutit. Takkuteequsaanngilatitaaq politikkimut assigisaanulluunniit isummersuutinnik ersersitsisut atisat atorlugit, kakiornerit imaluunniit pinnersaatit nuisatillugit.

Ataqqinarpasissaatit eqqartuussivimmilu assigiinngissusermut nalaassinnaasannut paasinnissin-naassuseqarlutit. Eqqartuussivimmi kalluunnaveersaartumik pissusilersortariaqarputit. Ussersor-nikkut kiinnersornikkulluunniit, pingarnertut isumaqatiginninniarnermi pisunut isummernerit allatulluunniit paasinninnerit takuteequsaanngilat. Tamanna illuinnaasiortutut paasineqarsin-naammat.

Inimut eqqartuussiviusumut oqarasuaat angallattagaq nassaqqusaanngilat. Nerisassanik najoq-qagassanillu aamma inimut eqqartuussiviusumut eqqussequsaanngilatit. Inimi eqqartuussivi-sartumi imeqartapoq.

Suliamut peqataasut sapinggisamik eqqartuussiviup avataani qanoluunniit attaviginissai pinngi-tsoorniassavat.

Killligaanani oqaaseqarsinnaaneq nipangiussisussaassuserlu

Eqqartuussisooqataaguit, nipangiussisussaassusermut malunnaarsaarnermullu tunngasunik im-mikkut ittunik malittarisassaqarpoq.

Eqqartuussisut aalajangiiniarnerminni oqaluuserisaat taasinerallu pillugit nipangiussisimasussaati-aaneq atuuppoq. Suliat ingerlasut pillugit ilaqtatit kammalaatitilluunniit oqaloqatigeqqusaa-nngilatit, aamma eqqartuussivimmi pissutsit ilisimalikkatit pillugit naliginnaalluinnartumik malun-naarsaartariaqarputit.

Allatulli killligaanak oqaaseqarsinnaavutit, taamaattumillu oqallinnerni tamanut ammasuni peqa-taasinnaallutit inuttut isummersuutit saqqummersillugit. Tamanna aamma sammisanut eqqar-tuussivinnut atassuteqartunut atuuppoq. Taamaattorli aallaaviulluinnartutut suliamut aalajanger-simasumut, suliap aalajangiiviginiarnerani kingornaluunniit tusagassiutinut inuilluunniit attaveqati-giittarfianni oqaaseqaqqusaanngilatit.

Sianigisariaqarputtaaq ulluinnarni naliginnaasumik oqaaseqartarnerit pillugu, minnerunngitsumik oqariartuutit sakkortuut politikkimut tunngasut oqaatignerisa malitsigisinnaammassuk, illit suliaa-jumaartussani qanippallaartunngortissinnaammatsit. Assersuutigalugu Facebookikkut allakkuit ikiaroornartumik atuismik eqqartuusserusunnak, tamatuma malitsigisinnaavaa, ikiaroornartumik tigummiaqarsimaneq pillugu suliani eqqartuussisooqataasartutut peqataasinnaannginnerit.

Eqqartuussiviit illutaanni isumannaassuseq

Eqqartuussineq aallartitsinnagu unikkallarnernullu atatillugu eqqartuussisoqataasartutut inimi assorsorsimasumiinnissannut periarfissaqarputit, eqqartuussivimmi atuisuusut allat (illersuisut, eqqartuussissuserisut, unnerluuussisut, tusarnaariat il.il.) iserfigisinnaanngisaannik.

Ilaatigut saassussisoqarnerani kalerrisaarutinik eqqartuussiviit illutaani ikkussuisoqarnikuuvog, eqqartuussisup eqqartuussinerup nalaani ikiortissamik aggersaalluni aallartissinnaasaanik. Pinerluttulerinermi suliani annertuunut atatillugu politiit inimi eqqartuussivimmi najuutikkajupput.

Eqqartuussinerup naammassinerata kingorna eqqartuussiviup illutaata qimannissaa toqqisisima-nartinngikkukku, eqqartuussiviup sulisui attavigisinnaavatit, taakku ass. aniffissanik allanik inner-suussinnaavaatsit. Eqqartuussinerup naammassinerata kingorna eqqartuussiviup illutaaniitsiaq-qaarnissannuttaaq periarfissaqarputit. Tamanna eqqartuussiviup sulisuinut isumaqtigisiutigine-qarsinnaavoq.

Eqqartuussiviup sulisui sillimaniarneq pillugu apeqquqtiisaqaruit piareersimajuaannarput.

***"Eqqartuussisoqataaneq ulluinnarni suliarisartakkanit
allaanerusumik suliaqarnissamut periarfissaavoq.
Soorlu ukiumut arlaleriarluni suliffimmik paarlasseeq."***



Ima eqqartuussisooqataasartut aggersarneqartarput

Sulianut tamanut eqqartuussivik eqqartuussisooqataasartunik marlunnik aggersaasarloq. Pisut ilaanni eqqartuussivik aamma sinniussananik aggersaasarloq, eqqartuussisooqataasartoq napparsimalissangaluarpat ikuuussinnaasumik. Taamaakkajuppoq suliani sivisuumik ulluni arlalinni ingerla-sussani.

Eqqartuussisooqataasartut tamarmik eqqartuussiviup sulianik ingerlatsinermi atortuini nalunaar-soqqapput, allatsillu tassaasarput kikkut pinerluttulerinermi suliani aggersarneqarnissaannik toq-qaasartut. Eqqartuussisooqataasartut minnerpaamik ulla pingasut periarfissillugit aggersarneqartarput. Nalinginnaasumik piffissaq periarfissiissut sivisunerusassaaq, kisianni pinartoqartillugu sivi-kinnerusinnaalluni. Pinartoqartillugu aggersaanerit mailikkut oqarasuaatikkulluunniit pisarput. Nalinginnaasumik ullormut suliamut ataatsimut aggersarneqartassaatit, ilaannilu sulianik marlunniit pingasunut amerlassusilinnut. Suliaq kinguartinneqarpat, ass. ilisimannittoq pingaarutilik takkutinngimmat, piffissakkut kingusinnerusukkut suliap inaarsarneqarfisassaanut takkuteqqissaatit. Suliat ataasiakkaat ima annertutigisarput, ulluni sapaatilluunniit akunnerini arlalinni eqqartuussisoo-qataasartutut atuunnissat suliakkiutigineqartassalluni.

Isumaqaruit takkutinnginnisanut pissutissaqavillutit, ass. napparsimaneq peqqutingalugu, ima-luunniit ullormi pineqartumi aallaqqasussaagavit, eqqartuussivik piaernerpaamik nalunaarfigissa-vat. Peqquteqavinnak takkutinngitsooruit akiligassinneqaratarsinnaavutit.

Agginngitsoorneq

Eqqartuussivimmut nalunaaqqaarnak agginngitsuussaguit suliaq amerlanertigut kinguarsarne-qartarpoq, eqqartuussivik eqqartuussisooqataasartumik nutaamik ilinnik paarlaasussamik agger-saassammat. Suliani peqataasut amerlammata— unnerluutigineqartoq, illersuisoq, unnerluussisoq, ilisimannittut, eqqartuussisooqataasut allat eqqartuussisullu— kinguaattoornerit akornutaallutillu pisarissersuutaapput. Eqqartuussisooqataasartoq eqqartuussinissamit peqquteqavinnani agginngitsoortoq, eqqartuussivimmit akiligassinneqaratarsinnaavoq.

Eqqartuussisooqataasartunik akiliisarneq

Eqqartuussisooqataasartutut ullup affaanut 700 kr.-sisassaatit, ullormullu ilivitsumut 1.100 kr.-it. Sapaatip akunnerisa naanerini ullup affaanut 1.050 koruunisissaatit, ullormullu ilivitsumut 1.650 koruunisissallutit.

Eqqartuussiviup eqqartuussisooqataasartutut akissarsiatit Akileraartarnermut Pisortaqaqrifimmuit nalunaarutigissavai, aningaasarsianniillu A-skat-imut ilanngaanneqassaatit. Aningaasat kontonnut ikineqassapput, mailillu paassisutissiissutigisimagukku, aningaasarsiavit allagartaat mailikkut pissavat. Eqqartuussisooqataasartut akissarsiaat ulla 14-ikkaarlugit tunniunneqartarput.

EQQARTUSSISOOQATAASARTUNIK PEQATEQARLUNI SULIAT

Eqqartuussisoqarfinni pinerluttulerinermi suliani, eqqartuussisooqataasartut peqataaffigisaanni eqqartuussisooqataasartut marluujuaanarpot eqqartuussisorlu. Eqqartuussisooqataasartut eqqartuussisut naligalugit peqataasarpot.

Pinerluttulerinermi suliat suut eqqartuussisooqataasartunik peqateqarluni suliaappat?

Pinerluttulerinermi suliat tamarmik eqqartuussisoqarfimmi aallartittarput. Eqqartuussisooqataasartut pinerluttulerinermi suliani tamani peqataassapput, kisianni unnerluussisussaatitaasut aki- liisitsinissaq kisiat piumasaqaatigippassuk, amerlanertigut eqqartuussisooqataasartut peqataaneq aorput – suliaq unnerluutigineqartumut annertuumik akuliuffigineqaataanngippat, imaluunniit suliaq immikkut tamanut soqtiginaateqanngippat.

Eqqartuussisooqataasartunik peqateqarluni suliat ima ingerlasarput

Eqqartuussisoqarfimmi eqqartuussisooqataasartut marluk eqqartuussisutullu akuerisaq ataaseq peqataasarpot. Eqqartuussisoq eqqartuussisuni siulittaasuovoq. Eqqartuussisut siulittaasuut qeqqani issiajuaannarpoq, eqqartuussisullu siulittaasuata eqqartuussineq aquttarpaa.

Unnerluussisussaatitaasut unnerluussutip suunera eqqartuussisut ilaasortaannut tamanut tunni- unneqartumi unnerluussummi allaaserisarpaat. Eqqartuussisooqataasutut unnerluussut takkukkuit aatsaat ilinnut tunniunneqassaaq.

Eqqartuussisooqataasartutut nalunaarut atsiussavat, tassani eqqartuussivimmi pisunut malinnaan- nissat, upternarsorisallu allaavigalugu, inatsimmilu allassimasut malillugit eqqartuussinissat neriorsuutigalugu.

Eqqartuussineq aallartittarpoq eqqartuussutip atuarneqarneranik. Tamatuma kingorna unnerluus- sisooq peqquneqakkajuppoq namminerluunniit kissaateqakkajulluni suliamut paassisutissiinerunis- saminik, tamatuma kingorna suliamut upternarsaasiissutit takuneqartarlutik. Uppernarsaasiissutit pinerluttulerinermi suliani tamani qitiupput. Unnerluutigineqartoq siulliulluni aporsorneqartarpoq, tamatumalu kingorna ilisimannittut aporsorneqartarlutik. Uppernarsaatit suliamut pingaarutillit nassuaatigineqartarput eqqartuussisooqataasunut eqqartuussisunullu takutinneqartarlutik. Pa- sissutissanik amerlanerusunik perusukkuit apeqquteqarsinnaavutit, kisianni eqqartuussisut siulit- taasuannut oqaaseqarsinnaajumaqqaassaatit.

Eqqartuussisut upternarsaatit tusaallugillu takoreeraangatigit, unnerluussisoq siulliulluni kingor- nalu illersuisoq tulliulluni suliamut isigininnerminnik tunngavilersuisarpot. Taanna naggataaruta- sumik oqaaseqarnermik taaneqartarpoq. Eqqartuussisut suliamik aalajangiiniarlutik tunuartinna- git, unnerluutigineqartoq kingulliulluni oqaaseqarnissaminut periarfissinneqartarpoq.

Eqqartuussisooqataasartutut isummerfigissavat, unnerluutigineqartoq unnerluutigineqaatiminut pisuunersoq. Aamma isummerfigisariaqarsinnaavat iliuuseq siunertatut piaaraluni piliarineqarsi-mansoq – imaluunniit mianersuaalliorneq pineqarnersoq– misissuaanneq. Aalajangiiffigeqataas-savattaaq, unnerluutigineqartup qanoq pineqaatissinneqarnissaa, unnerluutigineqartorlu eqqar-tuunneqarnermi kingorna tigummisaagallartussanngortinneqarnissaa. Pinerluttulerinermi suliamut atatillugu pisut ilaanni aamma taarsiivigineqarnissamik piumasaqaat isummerfigineqarsinnaasar-poq. Tamannali eqqartuussisup kisimi aalajangiivigisarpaa.

Unnerluussisussaatitaasup suliassaraa uppernarsisisallugu unnerluutigineqartoq pisuusoq. Naa-pertuuttumik tunngavissalimmik unnerluutigineqartup pisunera qularnaateqassappat pinngitsuu-tinneqassaaq. Suliaq nalilernialerukku, eqqartuussivimmi oqaatigineqartut kisiisa pingaarteqqusaa-vatit. Eqqartuussivimmut takkutsinnak atuariingassaqanngilatit.

***"Eqqartuussisooqataasartutut eqqartuussivimmut
takkutsinnak atuariingassaqanngilatit"***

EQQARTUSSISUT IMA INISSEQQASARPUT

EQQARTUSSISOQATAASARTOQ EQQARTUSSISOQ EQQARTUSSISOQATAASARTOQ



Saaffiginnittarfik Reception

Illunik pigisanillu
naluunaarsuisarfik

Registrering af
fast ejendom & losore

ALLERPAAMIIPPUT
ini eqqartuuussivius
Ataatsimilitarfik A
1. SAL:
ini eqqartuuussivius

STUE: Retssal 1 & 2
Modelokale A, B & C
1. SAL: Retssal 3, 4 &



Eqqartuussisooqataasartunik peqateqarluni suliat ima aalajangivigineqartarpuit

Uppernarsaasiineq naggataarutaasumillu oqaaseqarnissaq naammassippata eqqartuussisooqataasartut eqqartuussisullu ataatsimoorlutik suliaq misissussavaat. Eqqartuussut oqaatigineqarsinnaalersinnagu, inimi eqqartuussiviusumi takusatik tusaasatillu oqallisigissavaat taasisinnaassallutilu. Taanna taasinermik taaneqartarpooq. Taasineq tusarnaariat isiginnaaqquaanngilaat. Eqqartuussisooqataasartut eqqartuussisorlu taasinerup nalaani suut oqaluuserineqarnerinut nipangiussisaassuseqarput. Tassa imaappoq allanut oqaluttuareqquaanngilat qanoq oqartoqarsimanersoq. Paasissutissat taasinermeersut ingerlateqqillugilluunniit atornissaat inatsisinut akerliuvoq. Aamattaaq upternarsaasiissutit assilineriluunniit eqqartuussivik qimakkukku nassaqqusaanngilatit.

Taasinerup nalaani isummerfigineqaqqaassaaq, unnerluutigineqartoq pisuunersoq pinngitsuunersorluunniit. Unnerluutigineqartoq pisuutissagussiuq, unnerluutigineqartup qanoq pineqaatissinnejarnissaa aalajangissavarsi. Aalajangissavarsittaqaq pineqaatissinnejarsimasunut inissiisarfimmittussanngortitsinissaq pinngitsoorani pissanersoq imaluunniit piumasaqaaserneqassanersoq, allanillu immikkut ittunik piumasaqaatinik atuutsitsisoqassanersoq, ass. anisitsinermik. Oqallinnerit taasinerusinnaasullu eqqartuussisup aquttussaavai.

Suliani amerlanerni periuseq malillugu suliaq pillugu eqqartuineq, oqallisiginera taasinertaatalu akornanni sukannersumik immikkoortitsisoqarneq ajorpoq. Eqqartuussisut siulittaasuata suliaq upternarsaasiissutillu saqqummiunneqartut naatsumik eqqartoqqaartarpai. Tamatuma kingorna suliaq iluarisamik oqaluuserineqartarpooq. Tassani tamarmik immikkut isummersuutiminnik erser-sitsinissaminnut periarfissaqartarpuit. Tunuarsimaannginnissat pingaaruteqarpoq, kisianni isummat erseqqissumik oqaatigissavat, upternarsaasiissutit nalornissutaasinnaasunullu apeqqutaasinnaasut pineqartillugit. Oqaloqatigiinnermi ilanngussat tamarmik assilissamik eqqartuussisup ataatsip suliamik qanoq isiginninneranit tamakkiisunngortinneqakkajupput. Taamaattumik taasinissaq pisariaqassanngilaq, eqqartuussisullu paasiinnartussaassavaa inerniliussap isumaqatigiissutigineqarnera. Eqqartuussisut isumaqatigiinngikkunik ileqqusutut taasinermut ingerlaqqissapput.

Aalajangiinerit tamarmik amerlanerussuteqarfiussapput. Eqqartuussisoq kingulliulluni taasisarpoq, eqqartuussisooqataasorlu nukarleq siulliulluni taasisarluni. Taasineq oqaatsitigut pisarpoq, inerne-ralu allanneqartarpooq eqqartuussisumit eqqartuussisooqataasartunillu atsiorneqartarluni.

Eqqartuussutitaa eqqartuussisumit oqaasertaliorneqartarpooq. Eqqartuussisooqataasartut aqqi eq-qartuussummi eqqaaneqanngisaannarput. Aalajangerneq isumaqatigiinngiffiusimatillugu ikinne-russuteqartup tamanna eqqartuussummi nalunaarsortinnissaa pisinnaatitaaffigaa. Tamanna pisarpoq allanneqarluni qanoq taanna imaluunniit taakku taasisimanersut. Taanna 'allaanerusumik isumaqarneq'-mik taaneqartarpooq. Taassuma ataatsip imaluunniit taakkua aalajangiinermi isumaqa-taannngitsut aqqi eqqaaneqarneq ajorput.

Eqqartuussut oqaatigineqarpat, inerniliineq eqqartuussivimmi atuarneqassaaq. Inimi isersimasut tamarmik tamatuma nalaani nikorfassapput. Eqqartuussummut allaanerusumik isumaqarnermik ilanngussisoqarsimappat, eqqartuussisup tamanna eqqartuussutip oqaatigineqarnerata kingorna erseqqissaatigissavaa. Allaanerusumimmi isumaqarneq pingaaruteqarsinnaavoq, unnerluutigine-

qartup unnerluussisussaatitaasullu eqqartuussutip suliareqqitassanngortinnissaa eqqarsaatigiler-passuk.

Pisuni ataasiakkaani eqqartuussut ingerlaannaartumik oqaatigineqarneq ajorpoq. Taamaattoqartil-lugu eqqartuussisooqataasartoq eqqartuussutip oqaatigineqarnissaanut takkuttariaqartanngilaq.

*"Eqqartuussisooqataasartut eqqartuussisutulli
pissaaneqartigipput, unnerluutigineqartup
eqqartuunneqarnissaa qanorlu pineqaatissinneqarnissaa
eqqarsaatigalugu"*



Eqqartuussisooqataasartoorusuppit?

Eqqartuussisooqataasartoorusukkuit Kalaallit Nunaanni Eqqartuussivik imaluunniit najukkanni eqqartuussisoqarfiit saaffigiuk

Eqqartusseqataasartungornissamut piumasaqaatit

Eqqartuussisooqataasartungornissannut naleqquttuussaatit. "Tusaamanerlugaassanngilatittaag" Inatsisartunullu qinersisinnaatitaassallutit. Tamanna ima paasisassaavoq, 18-inik ukioqalereersimassasutit, ilungersunartunillu inatsisink unioqqutitsisimanermut pineqaatissinneqarsimasuussanak. Kalaallit Nunaanni Eqqartuussiviup eqqartuussisooqataasartussatut toqqakkat Pinerluuteqarsimasunik nalunaarsuvimmi nalunaarsorsimanersut misissussavai, soorlu Kalaallit Nunaanni Eqqartuussivik nalunaarfingineqassasoq, piffissap ukiut taakkua sisamat ingerlanerini eqqartuussisooqataasartuuninni, ilungersunartumik pinerluuteqarsimasutut pasillerneqalissaguit.

Tunngaviusumik piffissap allattorsimaffiusup atuuffiata ingerlanerani 70-inik ukioqalissaguit eqqartuussisooqataasartungorsinnaanngilatit. Tamanna aamma atuuppoq, eqqarsartaatsikkut timikkulluunniit peqqutilinnik – eqqartuussivimmi oqaatigineqartunut malinnaasinnaassuseqanngikkuit.

Kalaallit Nunaata Eqqartuussiviisa kiffaanngissuseqarnissaat qulakkeerniarlugu, uani taaneqartut eqqartuussisooqataasartungorsinnaanngillat: Naalakkersuisut, Naalakkersuisoqarfinni atorfillit, pisortat departementiisa ataani pisortatut atorfillit, eqqartuussivinni politiinilu atorfillit, unnerluussisussaatitaasut, pineqaatissinneqarsimasunik isumaginnitoqarfik, eqqartuussissuserisut eqqartuussissuserisunullu fuldmægtigit kiisalu ilagiinni uppeqatigiinnilu allani palasit.

Eqqartuussisooqataasartunik toqqaanermut atatillugu, inummut paasissutissat suliarineqassapput. Paasissutissat makkununnga tunngakkajupput; ateq, inuup normua, ukiut, najugaq, suaassuseq, atorfiup suunerata taaguutaa, Inatsisartunullu qinersisinnaatitaaneq.

Pisariaqartinneqarsinnaavortaaq paasissutissat pinerlunnermut, peqqinnermut kiisalu inuiannit sorlernit kingoqqiveqarnermut tunngassuteqartut suliarineqarnissaat. Paasissutissat inummut tunngasut suliarineqarneri tamarmik inummut paasissutissat pillugit inatsimmi illorsorneqarneri malillugit suliarineqassapput.

Kalaallit Nunaat eqqartuussisoqarfinnut sisamanut aggorsimavoq

Kalaallit Nunaanni sisamanik eqqartuussisoqarfeqarpoq. Eqqartuussisoqarfiit tamarmik eqqartuussisumit pisortaasumit aqunneqarput, taassumalu saniatigut eqqartuussisunik, eqqartuussisut allattaannik, aqutsisoqarfimmilu sulisunik piffissaq tamaat atorfilinnik sulisoqarput. Maannakkuugallartoq eqqartuussisoqarfinni eqqartuussisut aqqanillit eqqartuussisunngortitaqqapput, katillugit aqaneq marluunissaat akuerisaavoq.

Eqqartuussisoqarfiiit siulorsorneqarfiiisa sisamaasut saniatigut eqqartuussisoqarfiiit illoqarfinni minnerusuni 13-ini eqqartuussisarfeqarput. Eqqartuussisarfiiit sapaatip akunneranut ataasiarlutik arla-leriarlutiluunniit sulisoqartarput.

Eqqartuussisoqarfik Kujalleq

Qaqortumit siulorsorneqarpoq. Eqqartuussisoqarfik eqqartuussisumik pisortaasumik, eqqartuussisumik ataatsimik kiisalu allaffimmuniuk sulisoqarpoq.

- *Eqqartuussisarfiiit: Narsaq Nanortalillu.*

Eqqartuussisoqarfik Sermersooq

Nuummit siulorsorneqarpoq. Eqqartuussisoqarfik eqqartuussisumik pisortaasumik, eqqartuussisunik allanik sisamanik kiisalu allaffimmuniuk sulisoqarpoq.

- *Eqqartuussisarfiiit: Paamiut, Tasiilaq Ittoqqortoormiillu.*

Qeqqata Eqqartuussisoqarfia

Sisimiunit siulorsorneqarpoq. Eqqartuussisoqarfik eqqartuussisumik pisortaasumik, eqqartuussisumik ataatsimik kiisalu allaffimmuniuk sulisoqarpoq.

- *Eqqartuussisarfik: Maniitsoq.*

Qaasuitsup Eqqartuussisoqarfia

Ilulissanit siulorsorneqarpoq. Eqqartuussisoqarfik eqqartuussisumik pisortaasumik, eqqartuussisumik ataatsimik (pingasunik eqqartuussisoqartussatut akuerisaavoq) kiisalu allaffimmuniuk sulisoqarpoq.


- *Eqqartuussisarfiiit: Qasigiannguit, Qeqertarsuaq, Uummannaq, Upernivik, Qaanaaq, Aasiaat Kangaatsiarlu.*





Nunatsinni Eqqartuussiviit - Aaqqissuassisimernermi diagrammi

Eqqartuussinermi aappassaaneeraluni suliarinniffik



Diagrammimi takutinneqarpoq suliat siullermeerlugit suliarineqarneranni, tassa eqqartuussisoqarfinni imaluunniit Kalaallit Nunaanni Eqqartuussivimmi, suliat aallartinneqartarnersut. Siullermeeralutik suliarinnittut eqqartuussutaat Nunatta Eqqartuussisuuneqarfianut suliareeqtitassanngortinnejarsinnaapput. Nunatta Eqqartuussisuuneqarfiaata eqqartuussutaa immikkut pisoqartillugu naalagaaffiup iluani eqqartuussivimmut qullerpaamut, Eqqartuussiviit Qullersaannut, suliareeqtitassanngortinnejarsinnaavoq.

Kalaallit Nunaanni Eqqartuussiveqarfinni sulisut katillugit 95-it missaanniippuit.



Qinnuteqarit

Eqqartuussisooqataasartunngornissamut soqutiginnikkuit qinnuteqarnissamut tikilluaqqusaavutit.

Kalaallit Nunaata Eqqartuussiviani imaluunniit eqqartuussisoqarfimmi eqqartuussisooqataasartus-satut piukkuneqarsinnaavutit qinnuteqarnermi immersugassaatitta, pinerluuteqarsimasullu nalunaarsorneqarfiannut paasissutissanik ilinnut tunngasunik eqqartuussiviup piniarsinnaaneranut akuersissutip atsiorneratigut, taamaalilluni eqqartuussivik pinerluuteqarsimasunik nalunaarsorne-qartarfiannut paasissutissanik ilinnut tunngasunik piniarsinnaanngortillugu. Qinnuteqarnissamut paasissutissanillu piniartoqarsinnaaneranut akuersinissamut immersugassat nittartakkatsinni uani nassaarisinnaavutit: www.eqqartuussivik.gl

Eqqartuussisoqarfimmi Kalaallit Nunaanni Eqqartuussivimmiluunniit eqqartuussisooqataasartooru-sukkuit, Kalaallit Nunaanni Eqqartuussivimmut saaffiginninnissannut info@domstol.gl-imut saaffi-ginninnissannut tikilluaqqusaavutit.

Nunatta Eqqartuussisuuneqarfiani eqqartuussisooqataasartorusukkuit, eqqartuussisuuneqarfim-mut post.landsret@domstol.gl-mut saaffiginninnissannut tikilluaqqusaavutit.

Qinnuteqarfissaq kingulleq ulloq 10. september 2021

